

Glasnost eta perestroika bizirik daudela oraindik dio Gorbaxovek

Errepubliketako lege «antikonstituzionalak» indargabetzea esijitu du

Mikhail Gorbaxov lehendakari sovieta-
demokraziarekin konprometituta dagoela errepikatu zuen herenegun prentsaurreko batean, nahiz eta gero eta kritika gehiago egiten dizkioten sektore erreformazaleetatik. Aldi berean, Baltikoko gertaerengatik penatuta zegoela adierazi zuen Gorbaxovek.

MOSKU

Perestroika (eraldakuntza) eta Glasnost (gardentasuna, bereziki komunikabideekiko) hitzek oraindik balioa dutela esan zuen Mikhail Gorbaxovek. «Perestroika, demokratizazio eta glasnost-a dira eta izan dira aginte presidentzialaren balore nagusiak», esplikatu zuen Soviet Batasuneko lehendakaria den Gorbaxov.

Hala ere, bere agintearen bost urte hauetan bere aholkulati nagusiak izan direnak dimisioa aurkeztzen ari dira, bata bestearen atzean. Stanislav Xatalin ekonomia kontseilariak dimititzeko eskatu zion Gorbaxovi herenegun, eta atzo, beste aholulari ezagun batek, Viatseslav Daxitxev, kontserbatzaileekin aliatu dela leporatzen zion artikulua batean Gorbaxovi.

Daxitxeven eritziz, gero eta esperantza gutxiago dago perestroikaren helburuak egiazko bihurtzeko. Baltikoan gertatatu izandako azken gertaerak azaltzen dutenez, «aspaldiko sistema zentralistaren ezaugarri nagusiak» errepikatzen ditu Gorba-



Aleksandr Bessmertnikh, Atzerri ministro berria, Gorbaxov lehendakariarekin.

BORIS IURTZENKO / AP

✓ Kontseilari dimititu berri baten eritziz, gero eta esperantza gutxiago dago perestroikaren helburuak egiazko bihurtzeko.

txovek orain, esplikatu du Daxitxev.

SALBAKUNTZA NAZIONALERAKO BATZORDEAK Gorbaxovek, aldi berean, Lituania eta Letonian izandako hildakoengatik «penatuta» dagoela adierazi zuen, baina errepublika horietako Salbakuntza Nazionalerako Batzordeak defendatu zituen. Lituania, Letonia

eta Estonian sortu diren Batzorde hauek bertako errusiarrek osatzen dituzte batez ere, gobernu independentisten kontra daude eta azken gertaeren eragiletzat dauzkate Baltikoko nazionalistek.

Batzordeak defendatuz gain, Baltikoko gobernuen «lege eta erabaki antikonstituzionalak» salatu zituen Gorbaxov lehendakariak. Independentzia lortzekotan, erreferendumez

eta legeak markatutako eran izan beharko lukeela aipatu zuen. Hala ere, militarrek beren kontura erabakiak hartzen ibiltzea «onartezina» zela aipatu zuen.

Herenegun baita ere, Anatolijs Gorbunovs Letoniako lehendakariarekin bildu zen Moskun Gorbaxovekin. Gorbunovsek «detaile itzaropentsuak» ikusi zituen elkarriketan, esan zuenez. Hala ere, Gorbaxovek «lege antikonstituzionalak» ezabatzea esijitu zion letoniarri, eta Gorbunovsek horretan ezetz esan zion. «Orain dugun errekitatean atzerakada ezinezkoa da», azaldu zuen bilera ondoren lehendakari independentziazaleak.

Mundu osoko ministroak Vienan migrazioa aztertzen

VIENA

Australia, Iparramerika eta Europako hogeitamahiru Barne Arazoetarako ministrari biltzartuko dira gaur Austriako Viena hiriburuan, ekialdeko herrialdeetako migrariei buruzko politika amankomun bat trazatzen hasteko.

Europako Kontseilua osatzen duten hogeitalau ordezkariekin batera, Australia, EEBB eta Canadakoak izango dira Vienako biltzar honetan. Eta migrarien herrialdekideen artetik, Polonia, Txekoslovakia, Errumania, Bulgaria, Jugoslavia eta Soviet Batasuneko ministrariak parte hartuko dute.

Ekialdeko herrialdeetako migrari langileen kopuruak gora egingo du oraindik datozen urteetan. Europako mugak libreki zeharkatu ahal izateko aukera berria izango delarik, migrarien norabideak orekatzeko izango da helburua. Arazoa aztertu eta politika amankomun bat martxan jartzeko lehen erizpideak erabakiko dituzte beraz gaurko egun osoan.

Biltzarren bultzatzaile nagusia Austriako gobernuak izan da, Europako Kontseiluaren babespean. Laguntzaileak izan dira baita ere, Nazio Batuetako Errefuxiatuen Komisio Gorena, Laneko Nazioarteko Erakundea, Migratzaile Nazioarteko Erakundea, eta Garapen Ekonomikorako Erakundea.

Alemania izan zen ekialdeko herrialdeetatik errefuxiatu gehien jaso zuena 1989 eta 1990ean. Duela bi urte milioi bat inguru heldu ziren, eta ia jasotako %4 bakarrik izan zen ofizialki onartua. Alemaniara heldutako errefuxiatuen %17,4 gainera Bavieran daude, eurentzat egokitu-tako zelaietan.

KGBk milaka agente izan lezake Alemanian

BERLIN

Hamar mila baino anitzez gehiago agente izan lezake KGBk Alemanian, Soviet Batasuneko zerbitzu sekretu honetako kide ohi batek azalduaren arabera. Aleman nazioartasuneko lekuko honen ustez, kalkulatu ziren hamar mila kideak Karlshort-en, Eki Berlinen, kokatu komandoaren menpeko indarrei dagozkie.

Zifra honi, baina, Mendebal Alemanian lanean diharduten agenteak behar litzazkioke gaineratu. Kasu honetan, KGBk Alemanian zuen sistema Stasi-ren (Eki Alemanian sare sekretua) indarrekoa izan liteke.

Inflakzioa kontrolatzeko, moneta masa murriztu nahi du gobernu sovieta- rrak

MOSKU

Berrogeitamar eta ehun rublotako bileteek ez dute baliorik izanen herenegun aitazina Soviet Batasunean, Gorbaxov-ek sinatu eta atzo indaratu egin ziren dekretuaren arabera. Gorbaxov-ek ezarri berri du moneta buruzko kontrola. Atzodanik bostehun rublo hilero baizik ezinen dela ateratu ere ezarri da aipatu dekretuaren.

Inflazio kontrolatzea du helburu sovieta-
gobernuaren neurri honek. Moneta masa gutxitu eta monetaren balorearen eta harez lor daitezkeen ondasunen arteko oreka sortzea izanen da bide. Isilpeko ekonomiaren berri diren mafiak nahi ditu jo dekretu horien. Merkatu ofizialean duen balio berrogei bider kostatzen da dolarra

merkatu beltzean Soviet Batasunean.

Xedapenak, baina, kontrabandistak ezezik batera, populaziorik gehiena ere joko du, herrialde honetan dirua eskura gordetzea eta ez bankuan bait da ohitura nagusia, bertako bankuek oso interes murrizta ematen dute eta. Xedapena jakitean izugarritzko iladak sortu ziren Moskuko postetxearen inguruan, bilete zaharkituak gantziatzen. Atzo ehun rublotako bileteak hamar rublotan saldu ziren.

Micislovas Trinis lituanier diputatuaren arabera, Moskuko gobernuaren xedapena «desjabetze» hutsa da eta «herrietako jendearengan izanen du eragina batik bat, ia inoiz ez bait du dirua bankuan gordetzen». Lituaniako Legebiltzarrean ezbaian jarriko zuela erabaki hau iragarri zuen Trinisek.



Produktu eskasia da ekonomia sovieta-
rraren azken aldiko gaitza.